

عِبَادَتِ اَلْمے دِيہاڑے نرے بارے وِچ تَعْلِيم

6

1 اِک ہفتے اَلْمے مبارک دِيہاڑے حضرت عِيسَىٰ
باڑياں وِچوں لنگٹے پئے سُن۔ اُنہاں نرے صحابى

کٹکاں نرے سِٹياں کى پهنى کئے ہتھاں وِچ ملى کئے
داڑے کھاڻ لغمے۔ 2 اے تکی کئے بعض فريسى لوکاں
آخيا، ”تساں ہفتے اَلْمے مبارک دِيہاڑے ايئے جھيا کم
کيئاں کرنرے او، جس نى شريعت اِجازت نى ديئي؟“

3 حضرت عِيسَىٰ جواب دِتا، ”کيئاں تساں اے کدم نى

پڑھيا کہ جس ويلے حضرت داؤد ترے اُنہاں نرے ساتھی
پُہکھے سُن، ترے اُنہاں کئے کيتا سى؟ 4 او بڑے عِبَادَتِ

خانرے وِچ داخِل ہوئے، ترے اللہ تعالىٰ نرے نائين نى رخی
وى روٹی آپوں وى کھادى سى ترے اِپڑے ساتھياں کى وى
دِتى سى۔ حالانکہ اے گل شريعت نرے خِلاف سى،

کيئانکہ صِرف مذہبى پيشوانواں ہى کى او روٹی کھاڑے
نى اِجازت سى۔“ 5 فر حضرت عِيسَىٰ فرمايا، ”اِبْنِ اِنسان

يعنى کہ ميں ہفتے اَلْمے مبارک دِيہاڑے نا مالک آن۔“

عِبَادَتِ آلِے دِیہاڑے کُسے نال پَلا کرنا

6 اِسْرَحِ فِرَاکِ واری ہفتے آلے مُبارک دِیہاڑے حضرت عِیسیٰ بنی اسرائیل نے عِبَادَتِ خانے وِچ ٹُری گئے، تے لوکاں کی تعلیم دینِ لغے۔ اُتھے اِک بندہ سی جس نا سَجا ہتھ سُکا وا سی۔⁷ کُجھ شریعت نے عُلماں تے فریسی فرقے نے لوک حضرت عِیسیٰ اِپر الزام لائے نا موقع لوڑنے سن۔ اِس واسطے او غور نال تَکُن لغے کہ ہفتے آلے مبارک دِیہاڑے کُسے کی شِفا دِیسُن یا نی؟⁸ پَر حضرت عِیسیٰ کی اُنہاں نی گندی سوچ نا پتہ سی۔ اُنہاں سُکے وے ہتھے آلے بندے کی آخیا، ”اُٹھ، تے اِتھے ساریاں نے سامنے آ!“ او اُٹھیا، تے اُتھے جائی کھلتا۔⁹ فِر حضرت عِیسیٰ لوکاں کی مُخاطِبِ کری کے آخیا، ”تُساں مِکی دَسو! اللہ تعالیٰ نی شریعت اِساں کی کِس گل نا حُکم دِیٹی اے، نیکی نے گم کرنے نا، یا کہ بُرے گم کرنے نا؟ کُسے نی زندگی بچائے نا، یا کُسے کی قتل کرنے نا؟“

10 حضرت عیسیٰ اک واری سارے لوکاں کی تکیا،
 تے اُس بندے کی آخیا، ”اپٹا ہتھ اگے کر!“ اُس
 ہتھ اگے کیتا، تے اُس نا ہتھ بلکل ٹھیک ہوئی
 گیا۔ 11 حضرت عیسیٰ نے مخالف اے گل تکی
 کے غصے نال لال پیلے ہوئی گئے، تے اک دُوئے
 نال گلاں کرن لگے، ”اِس نال گے سلوک گراں؟“

باراں صحابہ کرام نا چٹیا جاٹا

12 انہاں دیہاڑیاں وچ اک واری حضرت عیسیٰ اک پہاڑ
 اپر دُعا کرنے واسطے گئے، تے پوری رات دُعا کرنے رہے۔
 13 صُبح سویرے انہاں اپنے پیروکاراں کی بُلایا، تے انہاں
 وچوں باراں کی چٹنی کے انہاں کی خاص صحابہ نالقب
 دتا۔ 14 انہاں صحابیاں نے ناں سن: حضرت شمعون،
 انہاں نا پھرا حضرت اندریاس، حضرت یعقوب، حضرت
 یوحنا، حضرت فلپس، حضرت برتلمائی، 15 حضرت
 متی، حضرت توما، جناب حلفئی نے پتر حضرت یعقوب،
 تے حضرت شمعون مُحَبِ وطن، 16 جناب یعقوب نا پتر

حضرت یہوداہ، تے حضرت یہوداہ اسکریوتی جنہاں
بعد وچ حضرت عیسیٰ کی دشمنٹاں کولوں پغڑوایا سی۔

حضرت عیسیٰ بہوں بڑے ہجوم وچ تعلیم کرنے
ان تے لوکاں کی شفا دیتے ان

17 حضرت عیسیٰ اپنے صحابہ کرام نال پہاڑی اپروں
تھلے لٹھے، تے اک میدان وچ گئے۔ اُتھے بہوں سارے
پیروکار وی اکھٹے سن، تے ہور بہوں سارے لوک یروشلم
شہر تے سارے ریاست یہودیہ، طائر تے صیدون نے
ساحلی شہراں توں وی آئے وے سن۔¹⁸ او سارے لوک
حضرت عیسیٰ نی تعلیم سُننے تے اپٹیاں بیماریاں توں
شفا حاصل کرنے واسطے آئے وے سن۔ جنہاں لوکاں
وچ جنات سن انہاں کی نجات لبھی سی،¹⁹ تے
ساریاں لوکاں نی کوشش سی کہ کسے طرح حضرت
عیسیٰ کی ہتھ ہی لائی کہنٹ، کیئانکہ انہاں نی قوت
لوکاں اپر اثر کرنی سی تے ساریاں کی شفا لبھتی سی۔

خُوش نصیبی تے بد نصیبی

20 حضرت عیسیٰ اپنئے پیروکاراں کی تکیا تے
آخیا، ”خُوش نصیب او تُساں جیہڑے غریب او،
کیئانکہ اللہ تعالیٰ نی بادشاہی تُساں واسطے آئے!
21 خُوش نصیب او تُساں جنہاں کی پُہکھ لغی
وی آئے،

کیئانکہ اللہ تعالیٰ تُساں کی رَجاسی!
خُوش نصیب او تُساں جیہڑے ہُن روٹے پئے او،
کیئانکہ اللہ تعالیٰ تُساں کی خُوش کری کے ہنساہی!
22 خُوش نصیب او تُساں جسے لوک تُساں نال
نفرت کرسٹ،

تے قطع تعلق کرسٹ، جنہاں نی بے عزتی کرسٹ،
تے مندا آخسٹ۔

اے سارا کجھ اِس واسطے ہوسی، کیئانکہ تُساں ابنِ
انسان نے یعنی کہ مہاڑے پیروکار او۔

23 جدوں تُساں نال ایئے جہیا سلوک ہووے، تے خُوش
رہو تے جَشَن مناؤ، کیئانکہ جنّت وچ تُساں کی بڑا اجر

لبھسی۔ جیہڑے لوک تُساں نے خِلاف اِن، اُنہاں نے
دادیاں تے پڑ دادیاں نبیاں نال وی ایئرے جہیا ہی سلوک
کیتا سی۔

24 پر افسوس اے تُساں اپر جیہڑے دولتمند او،
کیئانکہ جیہڑے مزے تُساں چاہئے سو، تُساں کی
پہلے لبھی گئے اِن!

25 افسوس اے تُساں اپر جیہڑے ہُن رَجّے وے او،
کیئانکہ تُساں کی فر پُہکھ لغی جاسی!
افسوس اے تُساں اپر جیہڑے ہُن ہسٹے پئے او،
کیئانکہ تُساں ماتم مناسو تے روسو!

26 افسوس اے تُساں اپر جنہاں کی لوک چنگا
آخٹے اِن،

کیئانکہ اُنہاں نے دادے پڑدادے تے چوٹھے نبیاں کی
وی چنگا آخٹے سن۔“

دُشمنٹاں نال محبت کرنا

27 پر میں تُساں کی جیہڑے مہاڑیاں گلاں سُننے او
آخٹاں، اپنّے دُشمنٹاں نال وی مُحبت کرو۔ جیہڑے
تُساں نال نفرت کرنے اُنّ، اُنہاں نال وی پلا کریا کرو۔
28 جیہڑے تُساں کی بد دُعا دینّے اُنّ، اُنہاں واسطے
دُعائے خیر کریا کرو۔ تے اُنہاں واسطے وی دُعا کریا
کرو جیہڑے تُساں نال بد سلوکی کرنے اُنّ۔ 29 کدے
کوئی تُساں نے مُونھے اپر سَجّے پاسے چنڈ مارے، تے
تُساں اُس کی گھبّہ پاسہ وی موڑو۔ کدے کوئی تُساں
نا کوٹ کِہننے نی کوشش کرے، تے تُساں اپنی قمیض
وی اُس کی چائی دیو۔ 30 جیہڑا وی تُساں کولوں کُجھ
مَنگے، اُس کی دیا کرو۔ کدے وی تُساں نی چیز کوئی
چائی کِہننے، تے اُس کولوں موڑی کے نا کِہنو۔ 31 قصّہ
مختصر اے اے کہ دُویاں لوکاں نال ایئے جہیا ہی سلوک
کرو جیئے جہیا تُساں چاہئے او کہ لوک تُساں نال کرنّ۔
32 جے کدے تُساں صرف اُنہاں لوکاں نال ہی مُحبت کرو
جیہڑے تُساں نال کرنے اُنّ، تے اِس گلے نا تُساں کی کے

ثواب لبھسی؟ اِسرح تے او لوک وی کرنے اُن جنہاں کی
 تُساں غنہگار آخٹے او۔³³ اگر تُساں صرف اُنہاں لوکاں
 نال ہی پہلائی کریا کرو جیہڑے تُساں نال کرنے اُن، تے
 اِس نا تُساں کی کے ثواب لبھسی؟ اِسرح تے غنہگار لوک
 وی کرنے اُن۔³⁴ اگر تُساں صرف اُنہاں لوکاں کی قرضہ
 دیو جنہاں کولوں تُساں کی واپسی نی توقع ہووے، تے
 اِس نا تُساں کی کے ثواب لبھسی؟ غنہگار لوک وی اوئے
 جہے غنہگار بندے کی قرضہ چائی دینے اُن جس کولوں
 پوری رقم وصول ہوئے نی توقع ہووے۔³⁵ اِس واسطے میں
 تُساں کی اے گل آخٹا آں کہ اپٹے دُشمٹاں نال وی مُحبت
 کرو، اُنہاں نال پہلائی کریا کرو، تے اُنہاں کی قرضہ
 دینے ویلے واپسی نا ناں سوچیا کرو۔ اِس چیز نا اجر تُساں
 کی بہوں لبھسی، تے تُساں اللہ تعالیٰ نے پیارے بندیاں
 وچ شامل ہوئی جاسو، کیئانکہ اللہ تعالیٰ تے اُنہاں اپرو
 مہربانیاں کرنا اے جیہڑے اُس نی شکر گزاری نی کرنے،
 تے جیہڑے ہمیشہ غناہ نی دلدل وچ پھسے رہتے اُن۔
³⁶ رحمدل بٹو، کیئانکہ تُساں نا آسمانی باپ رحمدل اے۔

دُویاں اپر الزام ناں لاٹا

37 دُویاں اپر الزام ناں لایا کرو، تانکہ اللہ تعالیٰ تُساں کی وی الزام لغٹے کولوں بچائے۔ کُسے کی مُجرم ناں آخو، تانکہ اللہ تعالیٰ تُساں کی مُجرم ہوئے کولوں بچائے۔ دُویاں نے قصور مُعاف کریا کرو، تانکہ اللہ تعالیٰ تُساں نے غُناہ مُعاف فرمائے۔ 38 ہوراں کی دیو، تے اللہ تعالیٰ تُساں کی دیسی۔ بہوں سوہٹا بدلہ ناپی تولی کے تُساں کی دیسی، ایئے جہیا کہ لہائی چہلائی کے پھریا وا ڈُلٹا ڈُلٹا تُساں نی چہولی وِچ باسی۔ یاد رَخو: جیہڑے ناپ نال تُساں ناپی کے ہوراں کی دیسو، ایئے جہے ناپ نال اللہ تعالیٰ تُساں کی ناپی کے دیسی۔“

39 فر حضرت عیسیٰ اُنہاں کی اکِ مِثال دیئی کے آخیا، ”کے خیال آے، اکِ اُنہا دُوئے اُنہے کی راہ دسی سکٹا؟ اگر اِسرح ہووے، تے او دُوئے کھڈے وِچ ناں ٹھی جاسن؟ 40 کدے وی شاگرد اپنئے اُستاد کولوں بڑا مقام حاصل نی کری سکٹا۔ پر اگر کوئی شاگرد صحیح طرح تربیت حاصل کرے، تے اپنئے اُستاد نی طرح بٹی سکٹا۔

41 کَرے گل آے، تُساں کی کُسے دُوئے نی اکھی وِچ
 اک ککھ وی نظر آئی جاٹا آے، پر آپوں اپٹی اکھی وِچ
 لکڑ ہووے، تے اُس نی وی پرواہ نی او کرنے؟ 42 جے
 تُساں کی اپٹی اکھی وِچ پئی وی لکڑ نی دِسٹی، تے
 فِر تُساں کیہڑے مونہے نال کُسے کی آخی سکٹے او،
 ’میں تہاڑی اکھی وِچوں ککھ کڈھاں؟ آے ریاکارو!
 پہلے اپٹی اکھی وِچوں لکڑ تے کڈھو، فِر دُوئے نی اکھی
 وِچوں وی ٹھیک طرح نال تکی کرے ککھ کڈی سکسو۔“

جے جیا بُوٹا، اُوئے جیا اُس نا پھل

43 فِر حضرت عِسیٰ آخیا، ”بُوٹا چنگا ہووے، تے اُس
 نا پھل خراب نی ہوٹا۔ تے ناں ہی خراب بُوٹے نا پھل
 چنگا ہوئی سکٹا۔ 44 ہر بُوٹا اپٹے اپٹے پھل تُوں سیانیا
 جاٹا آے۔ کَرے خیال آے، کنڈیدار بُوٹیاں تُوں انجیر یا
 چہاڑیاں تُوں انگور حاصل ہوئی سکٹے ان؟ بلکل ناں!
 45 چنگے بندے نا دل چنگیاں چیزاں نا خزانہ ہوٹا آے،
 جس وِچوں او ہمیشاں چنگا چنگا مال کڈھٹا آے۔ بُرے

بندے نا دل بُرائی نا ٹھیر ہونا آے، جس وچوں او بُرائی
 ہی بُرائی کڈھٹا رہٹا آے۔ ظاہر آے جو کجھ کُسرے نرے
 دلے وچ ہوسی، او ہی اُس نی زبان اپر وی اچھسی۔“

مضبُوط بنیاداں آلا کہار

46 فر حضرت عیسیٰ فرمایا، ”تساں مکی ’آقا، آقا‘ کیئاں
 آخٹے او؟ جے مہاڑے آخٹے اپر نی او چلٹے۔ 47 میں
 تساں کی دستاں آن کہ جیہڑا بندہ مہاڑے کول اچھٹا آے،
 مہاڑیاں گلاں سُننا آے، تے اُنہاں اپر عمل وی کرنا آے،
 اُس نی مثال کرے آے؟ 48 او اُس عقلمند بندے نی طرح
 آے جس اپٹا کہار بٹاٹے ویلے بنیاداں بھوں ڈونگیاں کھٹیاں
 تے سخت پتھریلی جغہ توں مکان بٹاٹا شروع کیتا۔ جیہڑے
 ویلے سیلاب آیا، تے اُس گہرے نال ٹکرایا۔ پر اُس کی ناں
 ٹھائی سکیا، کیئانکہ او کہار بھوں مضبوط بنیا سی۔ 49 پر
 جیہڑا بندہ مہاڑیاں گلاں سُننا تے آے، پر اُنہاں اپر عمل نی
 کرنا، او اُس بیوقوف بندے نی طرح آے جس اپٹا کہار بغیر

بنیاداں تُوں بٹایا۔ جس ویلے سیلاب آئی کے اُس گہرے
نال ٹکرایا، ترے او اک دم ٹھی کے بلکل برباد ہوئی گیا۔“

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تسان نال گل
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>